

PRIJEDLOG

Na osnovu člana 18. i 28. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Federacije Bosne i Hercegovine", br: 36/99, 54/04, 39/06 i 14/09), člana 55. Statuta Općine Ilijaš – prečišćeni tekst ("Službene novine Kantona Sarajevo", br: 20/09 i 46/18) i člana 99. Poslovnika o radu Općinskog vijeća Ilijaš ("Službene novine Kantona Sarajevo", br: 02/10,18/15 i 7/19), Općinsko vijeće Ilijaš, na svojoj sjednici održanoj dana _____ godine, donjelo je:

Z A K L J U Č A K

1. Odobravaju se novčana sredstva u iznosu od 30.000,00 KM (trideset hiljada i 00/100 KM) na ime pomoći licima koja se nađu u stanju socijalne potrebe, a svoja prava ne mogu ostvariti putem Službe socijalne zaštite Općine Ilijaš.
2. Lica koja spadaju u kategoriju iz tačke 1. su: starije osobe bez bližih srodnika, samohrani roditelji, invalidna lica koja ne ostvaruju prava putem službe socijalne zaštite, lica oboljela od hroničnih i drugih težih oblika bolesti i mnogočlane porodice – bez primanja koja se računaju kao prihod.
3. Navedena novčana pomoć će se realizovati u budžetskoj 2020 godini i istu odobrava Općinski načelnik, na prijedlog Službe za opću upravu, boračko-invalidsku i socijalnu zaštitu i nadležne Komisije Općinskog vijeća.
4. Iznos novčane pomoći je 100,00 KM mjesečno po jednom korisniku i ista će se isplaćivati putem žiro-računa korisnika.
5. Ovaj Zaključak stupa na snagu danom objavljivanja u "Službenim novinama Kantona Sarajevo"

Broj: 01/1-02- /20
Ilijaš: _____ 2020. godine

Predsjedavajuća O.V. Ilijaš
Alma Omerović

Obrazloženje:

Pravni osnov sadržan je u Zakonu o socijalnoj zaštiti, zaštiti civilnih žrtava rata i zaštiti porodice sa djecom, ("Službene novine Federacije Bosne i Hercegovine", br: 36/99, 54/04, 39/06 i 14/09), a sredstva za ovu namjenu su planirana u Budžetu za tekuću godinu. Ovim vidom "stalne pomoći" bit će obuhvaćeno 30 porodica iz kategorije socijalno-ugroženih i porodica slabog imovnog stanja, na prijedlog Savjeta Mjesnih zajednica.